



Nuuk 25. oktober 2018

UKA2018/164

Jens Napãtøk, Partii Naleraq

Naalakkersuisut kingusinnerpaamik UKA2019-imut inatsisunik atuuttunik allangortitsinissaq pillugu siunnersuummik saqqummiussinissaat, taamaaliornikkut eqqumiitsuliornermut aningaasaateqarfimmik pilersitsinikkut eqqumiitsuliornermut aningaasaliissutinik tamanik agguaassinermi attuumassuteqannginnissamik pilersitsinissaq periarfissinneqarsinnaanissaat ilanngullugu Inatsisartuni aalajangiiffigisassatut siunnersuut.

(Inatsisartunut ilaasortaq Peter Olsen, Inuit Ataqatigiit)

Partii Naleqqaminngaaniit siullermik siunnersuuteqartoq Peter Olsen, Inuit Ataqatigiit qujaffigerusupparput inuiaqatigiinnut pingaaruteqarluinnartumik soqutiginaateqarluinnartumullu aalajangiiffigisassatut siunnersuutaanut.

Siunnersuut eqqumiitsuliornermut aningaasaliissutinik agguaassisarnermi pitsaanerusumik agguaariaatsimik ataavartussangortitsisuusussamik imaqarpoq soqutiginaateqarluinnartumik.

Partii Naleqqamiit kulterikkut eriagisassagut aammalu minnerunngitsumik inerisaaqqinnissarput nukittorsaaqqittuarnitsinillu ineriartortittuarnissaa pingartitatta ilagilluinnarpaat.

Eqqumiitsuliornermut kulturimullu inerisaaqqittuarneq kinaassusitta ilisarnaatsitta nukittoqutigisattalu ilagilluinnarpaat kalaallit inuiattut pingaartitaralugu piguartariaqagarput tamatullu inerisaaqqittuartaqarluinnagarput.

Inuiaat kalaallit eqqumiitsuliornermut kulturikkullu periarfissai nukittorsaaqqinnissaat politikikkut sapiissuseqarfigerullugulu piumasuseqarfiginerusariaqarluinnarpaat.

Inuiaat kalaallit eqqumiitsuliornermut kulturikkullu suliniuteqartut tamarmik annertuumik pisuussutigaaqut eriagisariaqarluinnartut inerisaaqqinnissarput oqaatitsiguinnaangitsoq timitalersuinikkut periarfissaatigut tapersinertigut.

Inuussagutta pinngitsoorsinnaangilarput nerisassaqarnissarput imigaqarnissarpullu aammalu inoqataalluta inuiaqatigiinni ataatsimooqataanermut peqataanissarput. Aamma taama pingaartigaq eqqumiitsuliorneq kulturilu. Inuk inuussaguni nerisariaqarpoq imertarlunilu taammatullu aamma anersaakkut inuiaat kalaallit nukittuut inissisimanitsinni eqqumiitsuliorneq kulturilu anersaakkut pisuussutigilluinnakkatta ilagaat nukittuumik inissisimanissatsinni.

Eqqumiitsuliorneq kulturerpullu eriagisariaqarluinnartut inerisaaqqinnissarput annertunersumik politikikkut tapersorneqarlunilu inerisarneqarnissaa Patii Naleqqaminngaaniit pingaartilluinnarpaat.



partii naleraq

Naalakkersuisut saqqummiinermi oqaasersiat ilaat atugaat tassalu “kulturi” ilumut naleqquttuunersoq atorluassanerippullu oqaasilerisutsinnut oqaatitsinnik suliaqartunut nalilersugas-saqissoraarput.

Oqaasermi kultur qallunaat aamma oqaasersiaat atulersimasarput aallaaveqarpoq latinerit oqaasianit latinitut taaneqartarluni “Culture” oqaatsillu isumaata nassiuatitaata ilumut nunatsinnut atussallugu tulluurtuunerpoq, tassami latinitut oqaaseq isumaqarmat “Nunamik naggorisaaneq”

Kujataani ajunngivissumik nunaateqaleraluarluta nunami naggorissaasoqartaraluarta, isumaqarpugut oqaatsip atuneqartarnerata imaa pinngikkaluarlugu kisimi aallavia ilanngullugu nunatsinnut naleqquttumik aammalu pisortatigoortumik atorneqalertussamik toqqaasariaqalersugut.

Eriagisassagut ileqquliussagut eqqumiitsuliortugut kusanartorliortortagut, nipilersortartugut, filmiliortartugut, kalaallisuuliortartortagut, qilaasiortartugut allarpassuillu tamaasa inerisaaviginissaat pingaaruteqarluinnarpoq.

Taamaamat Partii Naleqqaminngaaniit nangaangivilluta siunnersuuteqartup siunnersuutaa tamakkiisumik tapersorsorparput oqaasiinnaanngitsumik eqqumiitsuliortortagut piffissanngorami tapersorsorerulernissaat.

Siunnersuut soqutiginaateqarluinnartoq naammassillugu suliareriarlugu Aningaasaateqarfiliornissaa piaartumik Partii Naleqqaminngaaniit kissaatiginartikkatigu oqaatigissavarput.

Taamatut tapersiilluta oqaaseqarluta ataatsimiitsitaliami susasaqartumi suliarineqarnissaa innersussutigaarput.